

AKAM NTE EKPEPDE KE ÑWED JAMES

James 5:13-18

QYQHỌ UKPEP-ÑKPỌ 468

Eke Mkpawara

IKỌ IBUOT: “Eyire ke akam; eda ekọm etiñ enyin ndinam ntre” (Ñwed Mbon Colossae 4:2).

Akam

Ke ini nnyin ikotde Edisana Ñwed Abasi, Abasi etiñ ikọ ọnọ nnyin koro edide ikọ Esie. Ke ini iboñde akam, nnyin itiñ ikọ inọ Abasi. Akam edi ñkukure usuñ emi isañade isim Abasi inyuñ itiñde inọ Enye se nnyin iyomde, mme se mbon efen eyomde. Ke akam nnyin imekeme nditoro inyuñ ñkọm Abasi ke kpukpru mme mfọn ye ima ye edidiọñ emi Enye ọnọde ubon owo. Enye ododu kpukpru ini ke mbeñe-idem ndikop ebeñe nnyin. Ekeme ndiboñ akam nnọ Abasi ini eke ededi, edide ke usen-ubọk, ke uwemeyo me ke okoneyo. “Andikpeme fi okuyak ukot fo ọfionre: enye okuyet idap. Sese, andikpeme Israel idiyetke idap idinyuñ idehe” (Psalm 121:3, 4).

Nnyin imama nditoño edoñ nnyin ke ini iboñde akam. Edi Abasi okokop akam ofuri esit ke ebiet eke ededi eke nnyin idude, edide ke itie utom, me ke ufọk-ñwed, me ke inyuñ isañade ke usuñ. Ediwak owo ebọbọñ akam ke ini enade ke mkpana udọño. Abasi ama okop akam Paul ye Silas ke ufọk-ñkpọkọbi ke ufọt-okoneyo ye ukot mmọ ke ebuka. Abasi okokop suñ-suñ akam ye akam emi ebọñde ye uyo ñkọ. Akam emi osimde utọñ Abasi onyuñ ọbọde ibọrọ edi enye emi ebọñde eto esit mbuotidem. “Yak uboñ fo edi.” “Ekutimere esit ke baba ñkpọ kiet, edi ke kpukpru ñkpọ, esaña ye akam ye mkpe-ubọk ye ekọm, esian Abasi se mbufo eyomde” (Ñwed Mbon Philippi 4:6).

Mme Ini Ukut

James ọdọhọ ete “Nte owo okut ukut ke otu mbufo? Yak enye ọbọñ akam.” Ukut ke ndusuk idaha edi udọño; ke mme ini efen afanikoñ me idomo mbuotidem, editiñ ikọ nsu ndian owo, mme ukọbọ, ye ñkpọ ekededi eke etienede owo Abasi nte idomo. Ufak emi James ọnọde ke abaña kpukpru mme ñkpọ emi edi akam.

Jesus edi akwa Andibiom Mbiomo. Edieke mbiomo nnyin odobide, mme afanikoñ nnyin ọsọñde, imekeme ndibine Enye ke akam, ndien Enye eyenam mme afanikoñ nnyin okure.

“Ọbọñ ekeme ndiñwam ke kpukpru afanikoñ,

Ke edide akamba mme ekpri

Enam mbuotidem ọfọn ama ke mmeme

Ke Enye ọkpọsọñ odudu odu.”

Eyesoñ eti eti ye mmọ emi minimke Abasi ke akpanikọ, emi ñko minyneke iberedem ke ini ikpọ afanikoñ ye mme ñkpọ-ntibe etibede ke uwem mmọ. Ọfọn didie ye eyen Abasi ke ini ekemede ndiboñ akam nnyuñ ñkpere Abasi nte ebiet ubọhọ ye odudu esie!

Mkpawara emi ekoride ke mme ufọk emi efiokde Abasi, enyuñ ekpepde mmọ ndiboñ akam nnyuñ mbere ke Abasi enyene mfọn-iso eti eti. Ndifioke nte ke inaha afo obiom mme mfina uwem emi ikpọñ edi akpanikọ emi mme nta mme ọfiok-ñkpọ owo ererimbot emi mikemeke ndikut. “Etop kpukpru ọkpọsọñ ekikere eke otimerede mbufo esit eduok edori Enye, koro Enye ke ekere mbufo’ (1 Peter 5:7).

Ndikwọ Ikwọ Itoro

James ọdọhọ ete ke ini odude ke ukut boñ akam ndien ke ini odude ke inemesit yak ọkwọ ikwọ itoro. Paul ñko onyime ndikwọ ikwọ: “Eyak ikọ Christ oduñ ọyọhọ-ọyọhọ ke esit mbufo ke kpukpru eti ibuot; emen Psalm ye hymn ye ikwọ uwem spirit ekpep enyuñ eteme kiet eken, ekwọ itoro enọ Abasi ye esit ekọm” (Ñwed Mbon Colossae 3:16).

Ema esikama ñkpọ mbre ikwọ ye ikwọ ke ini Akani Ediom ndusuk mmọ ema esiwak eti-eti. Kiet emi esiakde ke 1 Chronicles 25:7 ama enyene owo 288. Akamba otu mme ọkwọ ikwọ efen ye ukorowo 120 ema ebre ikwọ ke ini ekeberede Itie-ukpono Abasi emi Solomon ọkọbọpde. “Edikem adañaemi mme andifuri ye

mme andikwọ, nte owo kiet, enamde uyom ke uyo kiet, ekọm enyuñ etoro Jehovah; ke ini mmọ enyuñ emenerede uyo edian ye ukorowo, ye cymbal ye ñkpọ-ikwọ, enyuñ etorode Jehovah, koro enye ọfọnde, koro ima esie edide nsi nsi: ndien obubit enyọñ ọyọhọ ke ufọk, kpa ufọk Jehovah. Ndien obubit enyọñ oro iyakke mme oku eda enam ñkpọ: koro ubọñ Jehovah ọyọhọde ke ufọk Abasi” (2 Ñwed Chronicles 5:13, 14).

Nnyin imokut ke ikọ Abasi mme edidiọñ emi nnyin idinyenede ke ini ikwọde ikwọ inyuñ inamde itoro inọ Abasi. Ikwọ emi eyen Abasi emi ayakde idem esie ofuri ofuri ọnọ Abasi ọkwọde ediwak ini ada ndọnesit ọsọk esit mfuhọ; onyuñ ada ubiom-ukpe esin ke esit anam-idiok onyuñ anam enye oyom Abasi. Edikwọ mme ikwọ edi eti usuñ nditoro Abasi.

Ke Udọñọ

James ñko ekpep edibọñ akam nnọ owo udọñọ. Mfin emi ekpep nsio-nsio usuñ ndibọ edikọk ke ini udọñọ; nte edinwọñ ibọk, ye edisiak udọñọ ye mme usuñ eken. Edi James akam ekpep ete yak owo okot mbiowo ufọk Abasi. Enye ọdọhọ ete ke eyeyet owo udọñọ aran enyuñ ebọñ akam enọ enye, ndien akam mbuotidem eyenyaña enye emi ọdọñode, ndien Qbọñ eyenam enye adaha ada. Enye ọdọhọ ete edieke owo udọñọ anamde idiok-ñkpọ, Abasi eyefen mme idiok-ñkpọ esie ñko.

Idighe kpukpru mme anam-idiok emi ebode edikọk ebọ erifen ke mme idiok-ñkpọ mmọ, edi edieke mmọ ekpeyarade ndudue mmọ nte James etiñde, Qbọñ ekpefen. Akam ndinen owo ekeme ndiñam ñkpọ, edi owo emi ọbọñde akam enọ ana enyene mbuotidem.

Inaha edi ọkpọsọñ ñkpọ ọnọ anditiene-Christ ndinim Abasi ke akpanikọ ke abaña erikọk eke ikpohidem esie, koro enye ọfiokde ete ke ikọ Abasi edi akpanikọ, koro Abasi ọdọhọde ete “koro edi ami Jehovah nnam udọñọ okure fi” (Exodus 15:26).

Nam Usuñ Mbuotidem Ọfọn

James ama ọfiok ete edieke owo oyomde ete ebọrọ mme akam esie enye enyene ndinam usuñ esie ọfọn ke iso Abasi ye owo. Oro edi ntak emi enye ọdọhọde ndinyarade idiok-ñkpọ nnyin nnọ kiet eken, ndien ebọñ akam enọ kiet eken. Jesus ama onyuñ ekpep nnyin ete “edieke adade enọ fo edi ke itie-uwa, onyuñ etide do ete, eyen-ete fo enyene ikọ ye afo, kpọñ enọ fo do ke iso itie-uwa, ka kebem iso nam emem ye eyen-ete fo, ndien di diwa enọ fo” (Matthew 5:23, 24). Edieke esinyenede mfina ye mme ufan fo mme ye mbon ufọk fo okposuk edi nte midighe afo edi ntak, ka nyuñ beñe mmọ efen enọ fi, ndien nyuñ bọñ akam, se ndien nte Abasi edidiọñde fi.

Akam Elijah

Elijah ekedi ñwọrọ-nda uwut-ñkpọ owo emi ekemede ndibọñ akam nnyuñ mbọ ibọrọ. Elijah okodu ke ini emi ata ediwak afanikọñ ye mfiak-edem ekeyọhọde. Ke ndusuk ini enye ama esikere ete ke etie nte ke enye edi ñkukure owo emi esuhode emi akanamde ñkpọ ọnọ Abasi. Akana nte enye ada añwana ke ini kiet ye mme anditiñ ntiñ-nnim ikọ Baal ye nsu-nsu mme anditiñ ntiñ-nnim ikọ emi ekewakde esim 850. Mme anditiñ ntiñ-nnim ikọ 850 ema ebọñ akam ọkpọsọñ enyuñ ebighi enọ abasi mmọ, edi ibọrọ ikedighe. Ke ini ekemede Elijah ndibọñ akam esie, enye ama ọdiọñ itie-uwa nte Abasi okoyomde. Enye ama obono kpukpru ñkpọ ke nde ke nde nte akpa ñkpọ, ndien enye ọwọrọ ada ndibọñ ata ibio-ibio akam, ndien ikañ oto ke enyọñ nte ibọrọ akam ata ñkpọ-uwa.

Abasi ama enyene ukpono ndien mbon mfiak-edem eduọñọ ke isọñ ekubi iso mmọ edọhọ ete “Jehovah edi Abasi! Jehovah edi Abasi!” (1 Ndidem 18:39). Mme anam idiok-ñkpọ ye mbon mfiak-edem eyenyene ubiom-ikpe ke esit edieke odude mmọ emi edinamde akpanikọ ke ndibọñ akam mbaña mmọ.

Elijah ama okut nte nditọ Israel ekefiakde edem ekpọñ Abasi. Enye ama ọsọñọ ọbọñ akam ete Abasi okunọ edim ke isọñ ke isua ita ye ọfiọñ itiokiet. Emi ama ada ufen ye biọñ edi. Edi Elijah amama ndikut nte mme owo ebode ufen ke akañ emi ekemede ndinam mmọ etua mkpọfiok ke idiok-ñkpọ enyuñ eyom Abasi akan mmọ ndisuk ñka iso ke mme idiok-ñkpọ mmọ enyuñ etak ye edibọ ufen ke nsinsi. Edim ikedepke ke isọñ tutu Elijah ọtọñọ ntak ọbọñ akam utim ukatiaba, ndien Abasi ọdọñ edim.

Nditọ Abasi imaha ndibọñ akam nnọ owo man enye enyene afanikọñ, edi ke ndusuk idaha esida mmọ usuñ ndibọñ akam ntem “Qbọñ, Afo ọmọfiok se ifọnde ikan; nyaña mme ukpọñ ke usuñ ekededi, dọñ ñkpọ ekededi eke edinamde mmọ efiak etiene Abasi.”

Ediwak etiñ ikọ-ntiense enyuñ enọ Abasi ekọm emi ayakde afanikọñ ye udọñọ osim mmọ. Emi ama anam mmọ efiak edem etiene Abasi, enyuñ etua mkpọfiok ke mme idiok-ñkpọ mmọ enyuñ ebọ erinyaña.

Ediwak edoḥo ete sia n̄kpọ okosuk akade iso oḥon ntre ke mmimọ ikotimke ikpeme, inyuñ inana esit ekom, inyuñ ifre ndiyom Abasi.

Akam Jesus

Ndusuk mmọ emi edoḥode ete ke idi mme anditiene-Christ ikekereke ite ke odot ndibiat ini ke akam. Utọ owo oro edi mmeme ke mbuotidem, ndien ke ini idomo mbuotidem ye idomo iduọ edide esosop ekan enye ubok. Ke ini udonọ enye okut ete ke imọ ikemeke ndinyene mbuotidem ke Abasi.

Jesus, Eyen Abasi ikekemeke ndisaña ke mibonke akam. Ikọ Abasi etiñ abaña mme okoneyo emi Enye akabiatde ke akam. Enye n̄ko ama osonọ obon akam ke inwan mbemiso emum enye, tutu ibibiak oworo enye ke idem nte ntọi iyip. Ke akam Esie, Enye ama ofiori ete “Edi okudi nte Ami nnyimede, yak edi nte Afo onyimede.”

Edieke Jesus okobonde akam, ke akpanikọ akpana nnyin ikut ufon ubon akam. Edoḥo ete ke akam etie ukem-ukem ke uwem owo Abasi nte se ibifik edide ke ikpohidem owo. Ikpohidem ana nte akpa edieke edinwek ibifik etrede. Edieke anditiene-Christ mibonke akam, enye akpa ke spirit onyuñ akabare edi anam idiok-nkpọ, “akpa ke idiok-ido ye idiok-nkpọ.”

Ufon Akam

Daniel ama obon akam ikata ke usen, oro ama onọ enye ukeme ndiduk ke obube ekpe. Moses ama obon akam ndien ema ekok eyeneka esie anwan udonọ akpamfia, kpa udonọ emi edikok miduhe kaña ke ererimbot. Elisha ama obon akam ndien enam eyen anwan Shunem eset ke mkpa. Abraham ama obon akam ndien ema efak Lot ke ini emi ekebiatde Sodom ye Gomorrah ke ikañ ye brimstone. Angel ama osio Peter ke ufok-nkpokobi ke ini ndito Abasi ekesuk ebonde akam.

Jesus ama obon akam abaña uyo ition ye iyak iba, ndien ema enam etot ekem ndibok tosin owo ition. Ke ini Jesus ama okodok ke enyon owo 120 ema ebono otọ kiet ebon akam ke usen duop. Abasi ama odon Edisana Spirit edidoro mmọ ke idem, ndien mmọ ekedi akpa ibon emi ekebode uduok-mmom Edisana Spirit ye ikañ. Ke ini Saul ama akakabade edi nnan ke usuñ Damascus, ekeda enye eka ufok Simon odion-ikpa. Enye ama odori Saul ubok onyuñ obon akam onọ enye, ndien enye ama akabare okut usuñ. Obon ama odohọ Ananias ete aka ke efak emi ekotde Nnen-nnen onyuñ obon akam onọ Paul.

Ediwak mme iboro akam efen edu ke Nwed Abasi. Abasi ke osuk oboboro akam ke otu ikot Esie; ke enyuñ enyanyaña enyuñ ekok ediwak. Yak nnyin inim Jesus ke akpanikọ nte enye odohode ete “Edieke mbufo ebeñede nkpọ ke enyin Mi, nyenam” (John 14:14).

MME MBUME

- 1 Nso idi mme ukut?
- 2 Nso ke James odohọ ete inam ke ini nnyin ikopde inemesit?
- 3 Nso utọ ikwo ada edidion Abasi edi?
- 4 Nso ke James odohọ inam ke ini idonde?
- 5 Ntak emi James etiñde ikọ otuk Elijah ke ukpep-nkpọ emi?
- 6 Tiñ baña mme ediwak iboro akam emi Elijah okobode.
- 7 Tiñ nkpọ baña uwem edibon akam Jesus.
- 8 Mmọ ekebon akam ebighi adaña didie mbemiso ebọ uduok-mmom ke usen Pentecost?
- 9 Akam edi akpan nkpọ didie onọ owo Abasi?